

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

ILLVSTRISSIMO ATQVE

POTENTISSIMO PRINCIPI AC DOMINO,

DOMINO STEPHANO, DEI GRATIA REGI POLONIÆ,

Magno Duci Lithuaniae, Russiae, Prussiae, Masouiae, Samogitiae, Kyouiae, Voliniae,
Podlachiae, Liuoniaeque: necnon Principi Transyluaniae &c.

Domino suo longè clementissimo.

S.



Corpus humanum, quo nihil est omnium operum Diuinorum, non solum dotibus rationis & intellectus, actusq; iustitiae, verum etiam ipsius substantiae & partium compositione concinna, admirabilius aut ornatius, Rex Illustrissime atque Inuictissime, Cabalistræ, Magi, Philosophi, atq; Physici Antiquiores reliqui, diuersimodè in plures partes diuisere. Atq; vt doctrinæ suæ sententiam (quæ quibusdam videretur obscurior) præstarent apertioem, particularum eius quamlibet, vel à functionis suæ potentia, vel habitudine siue *Προσδιωχθε* *σσι*, ad res quasdam alias (quam scilicet in illas, vel sympathia & naturæ familiaritate quid salubre efficiendo, aut Antipathia & repugnantia temperiem naturalem destruendo exercerent) nominibus proprijs sigillatim indigitarunt: atq; adeo (vt ita loquar) Signatura notatam, Posteris cognoscendam proposuerunt. Ex his enim Sapientes Aegyptiorum quidem (Homines Dignitate Sacerdotali, & mysteriorum Diuinorum notitia eximia, necnon Virium caelestium quoq; ac simul rerum Elementarium ac humanarum cognitione vera insignes) cum experientia diuturnæ documentis, Sapientiam præclaram acquisiuisent, id ipsum in caput, manus, pectus, & crura sunt partiti. Alijs diuisio, in collum, ventremque, & membra inferiora & superiora placuit: eamque ipsam Viri multi præstantes (vt Hippocrates, Aristoteles, Ruffus, & multi alij) sunt secuti, atque ad hanc Scriptorum suorum seriem accommodarunt. Diocles Carystius vero, in Epistola ad Antigonum Regem, distributionem illam digere, in caput, thoracem, ventrem, & vesicam. At Galenus (cumq; hoc Neoterici quidam) ventrem à reliquo corpore separauit. Veruntamen fuere quoq; Alij (quorum magna est turba) qui caput, collum, Ventrem medium & infimum cum lumbis, & membra cætera (vt manus & pedes) partes esse à se sigillatim distinctas iudicarent. Ac poterat de hoc ipso, quemadmodum & de eo, quomodo Medici quidam Noui, membra inuicem segregauerint, hisq; non solum nomina propria imposuerint, verum etiam facultates earundem (vt robur aut imbecillitatem, naturæ cognationem aut dissidium mutuum, atq; temperamentum quoq;) sigillatim definierint, Liber peculiaris conscribi.

Enumeratio sue
cincta Scripto-
rum antiquorū,
de parte Medi-
cinæ Physiolo-
gica, Aetiologia,
ca, et Therapeu-
tica.

Simili ferè ratione, de morborum, in membris commemoratis particulisq; horum existentium, cum Causis primarijs, tum generibus (vt alijs vel Similaribus vel Instrumentarijs, alijs Acutis vel Chronicis, alijs Curabilibus, vel Incurabilibus, & similibus: quibus recensendis nec spacij nec temporis satis datur) ex doctrina Virorum, ingenij acumine, arte, & scientia excellentissimorum, tantum Librorum editum fuit: vt in hac Operis parte, ne nomina quidem Authorum, aut saltem Monumentorum ipsorum titulos (cum eorum commemoratio, potius Volumen peculiare requirat) liceat complecti.

Post hæc, de speciebus quoq; Humorum (ex quibus excessu quodam aut defectu, vel potius intemperie, corruptis & læsis, morbi in membris, particulisq; earum, originem & initium ducerent) deq; morbis ipsis, qui ex Humore quolibet, tam simplici & solo, eoq; priuatione aliqua ab habitu suo naturali abducto & vitiato, quam composito, siue vni, duobus, aut tribus alienis & contrarijs mixto gignerentur, dogmata plurima & varia condidere, cum Quidam Authorum modo nominatorum, tum Galenus, Erasistratus, Zeno, Alcmaeon, Pythagoras, Alexander Trallianus, ac pleriq; Alij.

Sic de Rebus naturalibus, contra naturam, & non naturalibus, Scriptis editis disserere, Apolonius Memphites, & Xenophon Cous, cum Alijs pluribus: Ac priorum quidem, quæ corpori humano materiam & formam præbeant, in constitutionem eius ingrediantur, ibiq; crescant, augeantur, Spiritum vitalem foueant & conseruent, septem: mediarum, quæ naturæ humanæ ex diametro repugnant, noceant, & morbos inducant, tres: posteriorum vero, quæ si rectè adhibeantur, corporis valetudinem & incolumitatem tueantur, spiritusq; vitales ac vires omnes roborent, sin illegitimè aut sinistrè accommodentur, sanitatem affligant, spiritus destruant, & vigorem vitæ intercipient, sex recensuere: Simulq; quomodo Res illæ omnes, situ locorum, natura temporum, Impressionem virium caelestium, & Elementorum (vtpote ventorum siue aëris, terræ, & Aquarum) operationibus, in Sexu tam Virili quam Famineo & Puerili (quod accipiendum est de discrimine ætatis, conditione, & habitudine vitæ, atq; potentia *ἐν εὐρητικῇ* in Homine quolibet) variant & mutantur, monuere.

X 4

Quarum